



GIPUZKOA



ETA EUROPAR BATASUNA

154. INFORMAZIO BULETINA

> 2020ko apirila



Europar Batasuna
Unión Europea

Fondo Europeo de
Desarrollo Regional (FEDER)
"Una manera de hacer Europa"

Eskualde Garapenerako
Europar Funtza (EGEF)
"Europa egiteko modu bat"

GIPUZKOA



NABARMENDU BEHARREKOA

> Aldundiak "Canal Europa" delakoa nabarmendu du, kultur arloko adituen testigantzekin, konfinamendu-aldirako online eskaintzaren artean

Hasi Koldo Mitxelenako hitzaldi eta jardueretatik, Foru Aldundiaren museo saretik eta Gordailuko ondare funtsetatik, eta Canal Europako kultura-munduko topaketetaraino, Gure Gipuzkoako argazki artxiboraino eta Kultur Memoriak ekimenak eskaintzen dituen Gipuzkoako herri askoren testigantzetaraino. Kultura-eskaintza zabal bat klik kolpez.

Gipuzkoako Foru Aldundiko Kultura Departamentuak bere kultura-eskaintza hurbildu nahi die Gipuzkoako herritarrei, bateragarri eginez COVID-19 birusaren larrialdiagatik ezarritako konfinamendu neurriekin. Helburu horrekin, Gipuzkoa Kultura plataforma digitalak kultura-edukien eskaintza zabal bat aurkezten du, zeina eskura baitute, konfinamendu aldian beren kultura-jarduerarekin jarraitu nahi dutenek.

Canal Europa topagune bat da kulturarako, pentsamendu kritikorako eta jakintzaren zirkulaziorako, hurbiltzen dituen kultura-munduko pertsona ospetsuen lekukotzak eta hausnarketak: artistak, idazleak, zientzialariak eta profesional gailenak. Ia 40 topaketa, maila handiko pertsona famatuekin, hala nola Bernardo Atxaga, Bertrand Tavernier, Reyes Mate, Miguel Zugaza, Sara de la Rica, Pedro Miguel Etxenike, Costa Gavras, Javier Aguirresarobe eta James Rhodes, besteak beste.

(informazio + - Canal Europa)

(informazio + - GFaren albistea)



> EBERa iristeko bideetako larrialdietan aritzen diren GKEentzako dirulaguntzak: Aldundiak SMH - Aita Mariri eskaini die, eta Eusko Jaurlaritzak, Grezian lanean jarraitzen duen Zaporeak erakundeari

Aldundiak 20.000 euro eman zizkion Itsas Salbamendu Humanitarioari, Aita Mari itsasontzia kudeatzen duen euskal elkarteari, "itsasoan desagertzeko arriskuan" dauden pertsonak salbatzen laguntzeko.

Eider Mendoza foru bozeramaileak agerraldia egin zuen streaming bidez, eta gogorarazi zuen SMH 2015ean sortu zela, eta 2017tik laguntza ematen duela Greziako Kios uharterko Vial Kanpalekuan, eta urte horretatik bertatik Maydayterraneo-Aita Mari proiektuarekin. 2019tik, itsasontzia Mediterraneo erdialdean hasi zen lanean, eta dagoeneko 300 pertsona inguru erreskatatu ditu 4 hilabeteetan, Covid-19aren krisiak haien lana geldiaraztera behartu zuen arte.

Bestalde, Eusko Jaurlaritzak Zaporeak Gipuzkoako GKEari lagunduko dio Grezian errefuxiatuta dauden herritarrei arreta eta laguntza ematen. Laguntza 200.000 eurokoa da, eta Giza Eskubideen, Bizikidetzaren eta Lankidetzaren Idazkaritzak kudeatuko du.

Zaporeak Solidarios-ek elikagaiak, azpiegitura eta materiala ematea du helburu, Greziako errefuxiatuen beharrak asetzeko eta pertsona horien alde lan egiten duten erakundeekin lankidetzan aritzeko.

Gaur egun, euskal GKE honek Moriako (Lesbos uharterko) errefuxiatuen esparruan lan solidarioa egiten jarraitzen du, Europa osoan osasun-larrialdia eta konfinamendua bizi den arren, eta Greziako uharteei ere eragiten dien arren.

(informazio +)



KOHESIO POLITIKA

> **Industria Digitala programa, EGEFek% 50ean kofinantzatua, egokitu egin da enpresa-telelana ezartzen laguntzeko**

SPRI Taldeak premiazko laguntzak eskaintzen dizkie ETEei material teknologikoa erosteko: aurrekontua 2,3 milioi eurotik gorakoa da eta Industria Digitala programa aldatu du telelana errazteko.

SPRI Taldeak, enpresen garapenerako euskal agentziak, aste honetan argitaratuko ditu euskal ETEei zuzendutako eta material teknologikoa erostera bideratutako laguntzak. Ekonomi Garapen eta Azpiegitura Saila premiazko laguntza-multzo bat prestatzen ari da euskal enpresa COVID-19 birusaren ondorioetatik babesteko, eta programa hau laguntza-multzo horren barruan kokatzen da.

SPRIk aldatu egin ditu Industria Digitala programako ekintza subentzionagarriak, telelana errazteko eta helburu horrekin zabalik dagoen Inplantalariak programaren ekintzak osatzeko. Ehunka euskal ETE interesaturik agertu dira Inplantalariak programan.

Industria digitala programak 2,3 milioi eurotik gorako aurrekontua du aurten, eta Eskualdeen Garapenerako Europako Funtsak (FEDER) kofinantzatzen du, zeinak laguntzek estaliko duten zenbatekoen % 50a jarriko baitu. Ekimen honen helburua da Elektronika, Informazio eta Komunikazio Teknologiak (EIKT) txertatzen laguntzea industri arloko enpresetan eta produktu-prozesuarekin lotutako zerbitzu teknikoetako, diseinuko eta logistikako enpresetan, xedetzat hartuz enpresaren lehiakortasuna hobetzea.

Telelana diruz laguntzeko moduko kontzeptu gisa sartu da, aholkularitza-, ingeniaritza- eta hardware- eta software-gastuak babestuz. Diruz lagun daitezkeen eta orain arte indarrean egon diren beste 10 kontzeptu teknologikoei gehitzen zaie.

(informazio +)



> **Aldundiak milioi bat baino gehiago inbertitu du eraginkortasun energetikoan, Gipuzkoako Artxibo Orokorra eraberritzeko, Tolosan; EGEF funtsak %50ean kofinantzatuko du**

Gipuzkoako Foru Aldundiak Tolosan dagoen eraikin ospetsuaren eraginkortasun energetikoa optimizatu du. Kostuaren erdia, milioi bat euro baino gehiagokoa, Eskualde Garapenerako Europako Funtsak itzuliko du, zeinaren 2014-2020 Programa Operatiboan foru-erakundeak parte hartzen baitu. Programaren barruan aurreikusita zegoen "eraginkortasun energetikoa Gipuzkoako eraikin publikoetan" jarduerak.

Gipuzkoako Artxibo Nagusiak Batzar Nagusien eta Foru Aldundia beraren historia gordetzen du, gure lurralde historikoa gobernatu duten eta gobernatzen duten erakundeena hain zuzen ere. 500 urtetik gorako adineko dokumentuek osatzen dute gune nagusia. Horiez gain, Gipuzkoako beste dokumentu-funts publiko eta pribatu handi batzuk ere gehitu dira.

Klimatizazioak, aireztapenak eta argiteriak eraberritzea eskatzen zuten, dokumentuak behar bezala kontserbatu daitezkeen. Eraikinak 400 megawatt baino gehiago gastatzen zituen urtean, % 80 klimatizazioan eta % 15 argiztapenean, 57.000 euro urtean eta 146 tona karbono dioxidoko aztarna energetikoa.

Biltegien eta beste gela batzuen klimatizazioa berritu du, tenperatura eta hezetasun egokiak mantentzeko, eremu edo erabilera bakoitzerako sistema desberdinak erabilia. Paperezko dokumentuen biltegiak airez klimatizatzen dira, eta kontsulta- edo bilera-gelek, berriz, hotza edo beroa ematen duten ponpak dituzte, urtaro bakoitzean beharrezkoa denaren arabera.

Argiteriari dagokionez, 480 fluoreszente, gori edo halogenoak Led sistemara migratu dira, eta mugimendu-detektatagailuak dituzte zenbait eremutan, kontsumoa behar diren gutxieneko uneetara murrizteko. Kontsumoaren % 60 aurreztu da, hau da, 240 megawatt, urtean 85 tona dioxido edo 30.000 euro baino gehiago.

1.072.000 euroko inbertsioaren % 50 EGEFek kofinantzatuko du, 4. helburu tematikoaren barruan ("sektore guztietan karbono gutxiko ekonomia batera igarotzea erraztea"); zehazki, 4.3.1 helburu espezifikoan ("eraikuntzan eta azpiegitura eta zerbitzu publikoetan eraginkortasun energetikoa hobetzea eta CO2 isuriak murriztea").

Horrek lagundu egiten dio Aldundiak Gipuzkoarako planteatzen duen energia-ereduari, foru edo toki mailan aurrezteak bultzatuz eta, horrela, klima-alaketari aurre eginez.

(informazio +)



EUROPA 2020 ESTRATEGIA

> **Eusko Jaurlaritzak 1,67 milioi euro gehiago bideratu ditu ekonomia zirkularra sustatzera, industriari laguntzak emanez, EGEFek% 50ean finantzatuta**

Eusko Jaurlaritzako Ingurumen Sailaren ekonomia zirkularrerako ekoberrikuntza eta ekodiseinu Programa berriki onartu den Ekonomia Zirkularraren 2030erako Estrategiaren zutabeetako bat da. Laguntza horiek, gainera, EGEF – Eskualde Garapenerako Gizarte Funtsaren sostengua ere badute. Programa hori urtero garatzen da, enpresa-proiektu berritzaileei laguntzeko deialdi baten bidez. 2019ko deialdian laguntzak jaso dituzten 36 proiektuek gai hauen inguruko ekimenak garatuko dituzte: ekodiseinua, negozio-ereduak, birmanufaktura, metalak, plastikoak eta mineralak. Guztira, proiektuek 1,67 milioi euro jasoko dituzte Eusko Jaurlaritzaren aldetik. Proiektuak aurtengo urtariletik garatzen ari dira eta burutzeko epea 12 eta 18 hilabete bitartekoa izango da.

Berriki onartu den "Euskadiko Ekonomia Zirkularraren 2030erako Estrategiaren" bigarren erronka da berrikuntzak egitea material, prozesu eta produktuen alorrean. Berrikuntzak ahalbidetzen du europar politiken tresnetan ezarritako erronkak enpresa-aukera bihurtzea; tresna horien artean, azpimarratzekoak dira ekodiseinuaren zuzentaraua, erosketa publiko berdea, emisio industrialen zuzentaraua (IPPC) edo hondakinei buruzko legediak.

Ekonomia zirkularraren alorrean abiatu berri diren 36 proiektu berritzaileak eta aurreko edizioetan gauzatutako 118 proiektuak 4,05 euroko aurrekontura iristen dira, guztira, Ingurumen, Lurralde Plangintza eta Etxebizitza Sailak emandako laguntzetan; laguntzak 57 enpresei eman zaizkie, lhobe sozietate publikoaren bidez, legedi honetan (2016-2019). Azken deialdian bultzatu diren 36 proiektuetatik, % 64 materialen eremura zuzentzen da, eta gainerakoa proiektuen eremura; gehienak bat datoz Ekonomia Zirkularraren Estrategian ezarritako lehentasunezko gai-eremuekin. "Produktu" deritzan eremuak honako hauek hartzen ditu barne: ekodiseinuko 6 proiektu, iraunkortasunerako serbitzazioari buruzko 3 proiektu, birmanufakturako 4 proiektu eta Europako ingurumen-aztarnako 2 proiektu. "Materialak" izeneko eremuan, berriz, honako proiektu hauek sartzen dira: metalaren transformazioari buruzko 5 proiektu, funtseko metalei eta material kritikoei buruzko 6 proiektu, polimero eta plastikoei buruzko 4 proiektu, mineralei buruzko 4 proiektu eta bioekonomiako 2 proiektu.

Nobedade gisa, 2019ko deialdian lhobek negozio zirkularren ereduei eta finantziazio pribatua eskuratzeari buruzko prestakuntza eta aholkularitza espezializatuko saioak antolatu ditu enpresentzat, proiektuak fase guztietan bideratzen laguntzeko, hau da hasieratik garatutako proiektuen komertzializaziora arte.

(informazio +)



> **CIC Biomagunek Europako Ikerketa Kontseiluaren Beka Aurreratua lortu du, "karbono nanopuntuak" eta medikuntzan duten erabilgarritasuna aztertzeko**

Euskadik bere hamargarren prestigio-aitorpena lortu du Europako Ikerketa Kontseiluan: CIC biomaGUNEko Maurizio Pratok ERCren azken beka lortu du, karbono nanopuntuak ikertzeko.

Deialdia hasi zenetik, 2007an, Euskadiko zentroetako hamar ikertzailek Europako Ikerketa Kontseiluak (ERC, ingelesezko siglengatik) bermatutako proiektuak garatu dituzte, Advanced Grant zigiluarekin -beka aurreratuak, ingelesez-. Horietako azkena orain dela egun gutxi eman da. Errekonozimendu ospetsu honek Europa osoko proiektuak saritzen ditu, gizartearen erronka handiei ekar diezaiaketen aurrerapen garrantzitsuak garatzeagatik. Horrekin batera, bost urteko lanerako hornidura garrantzitsu bat ematen da. ERCK Europan egiten dituen deialdietako sari handienak dira hauek.

ERC Advanced Grantsen aurtengo deialdian eman diren azken errekonozimenduen artean, euskal zentro batean lan egiten duen ikertzaile bati eskaini zaio beka. Errekonozimendua CIC biomaGUNEko Karbonoaren Bionanoteknologia taldearen buru den Maurizio Pratorentzat izan da. Prato Ikerbasque irakaslea eta Axa Chair da. Proiektua e-DOTS izenez ezagutzen da, eta ERCren bidez, 2,5 milioi euroko finantzaketa izango du hurrengo bost urteetan.

Basque Research and Technology Alliance (BRTA) partzuergoaren ide den CIC biomaGUNEren baitan Europako Ikerketa Kontseiluaren zigilu horrekin burutzen den hirugarren ikerketa da. Pratoren proiektuak karbono nanopuntuen (edo nanodoten) egitura eta propietateak ikertzen ditu. Nanopartikula esferiko horiek zenbait metodoen bidez sintetizatu ahal dira, propietate jakin batzuk lortzeko.

Disolbagarriak direnez eta luminiszentzia dutenez, nanodotak gaixotasunak diagnostikatzeko baliagarriak izan daitezke eta, molekula terapeutikoak txertatuz, horiek tratatzeko balio dezakete. Propietateak nola eratzen diren eta nola aldatzen diren sakontzeaz gain, nanodot berriak aurkitzearen alde ere egiten du proiektu honek. Robot baten bidez nanopartikula ezberdinak prestatuko dira, onenak zeintzuk diren aztertu eta horien ezaugarriak modulatu ahal izateko.

(informazio +)



> **ETeen biziraupenerako euskal laguntzak indartu ahal izan dira Covid-19aren krisiaren aurrean, Europako Batzordeak onartutako "aldi baterako esparruari" esker, estatuko laguntzen arauak malgutuz**

Eusko Jaurlaritzaren Bideratu programa arrunta krisian dauden enpresei laguntzeko Europako araudiaren barruan kokatzen da, eta oso baldintza zorrotzetan zehazten da, esku-hartze publikoa Estatuaren laguntzat har ez dadin. Programa honi heldu diezaioketen enpresek galerak egiaztatu behar dituzte azken bi ekitaldietan, langileekin adostutako bideragarritasun-plan bat aurkeztu behar dute, eta enpresak administrazio publikotik injektatzen duen kopuru bera ematen dio kapitalari.

COVID19 industrian sortzen ari den salbuespenezko egoeraren aurrean, Europako Batzordeak joan den martxoaren 19an Covid-19ko krisiaren aurrean ekonomiari laguntzeko laguntzen aldi baterako esparrua onartu zuen. Esparru horrek arau-esparru berri bat ireki du ETE industrialak erreskatatu ahal izateko.

Ohiko Bideratu programak ez bezala, Eusko Jaurlaritzak jarriko du kapitala, enpresaren ekarpenik behar izan gabe.

Eusko Jaurlaritzak, Covid 19ren ondorioz Euskadik bizi duen krisi ekonomiko eta industrial larriaren jakitun, premiazko programa berri bat gaitu du, soil-soilik industrialak, euskal ekonomiaren motorra indartzeko eta etorkizunari begira berrindustrializazio-fase berri bati ekiteko.

Azken hilabeteetan, hainbat finantzaketa-programa aktibatu dira, presako abalak eta/edo zirkulatzailerak emateko, enpresa txiki eta ertainei eta autonomoei zuzenduta. Oraingo honetan, eta Europar Batasunak krisi honetan baimendutako malgutasuna dela eta, Ekonomiaren Garapen eta Azpiegitura Sailak laguntza-lerro bat jaulki du industria-enpresentzat eta krisian daudenentzat.

(informazio +)



> **Zarauzko Fresmak enpresak atxikimendu bidezko piezak lotzeko sistema iraultzaile bat garatu du EBren Horizon 2020 esparruan, eta Hazitek-en beste I+G proiektu batzuetan parte hartzen du, EGEFek kofinantzatuta**

Enpresa txikia da, 30 langile ditu, baina handia da bere jarrera eta anbizioa. Fresmak 1967an Ignacio Cenarruzabeitiak sortu zuen eta konpainiak denbora pasa ahala egiaztatu du bere tamaina ez dela oztopoa merkatuan hazteko nazioarteko lidergoa lortu arte.

Zarautzen egoitza duen konpainiak piezak eusteko sistemak fabrikatzen ditu, presio handiko barailen eta amarraduren bidez, fresatzeko makinentzat eta mekanizazio-zentroentzat. Hortik datorkio bere izena (Fres-mak). Bere azken garapena piezak lotzeko polimero plastikoetan oinarrituta dagoen sistema bat patentatzea izan da. Produktu hau disrupzio teknologiko bat da makina-erreminta sektorean, eta industria aeronautikorako lan egiten duten fabrikatzaileentzat oso erabilgarria da.

Garapen teknologiko hori F-GRIP izenarekin ezagutzen da, eta Horizon 2020 programa europarraren laguntzaz lortu da. Proiektua abenduan bukatu zen, hiru urteko ibilbidea eta gero. Hurrengo urratsa merkatuan eskuragarri jartzea izango da. "Azken detaile batzuk baino ez dira falta", azaldu du Ramon Cenarruzabeitia, gaur egungo zuzendariak. "Gure produktuaren arrakasta produktuaren itzulgarritasunean oinarrituta dago. Hau da, hotza edo beroa aplikatuz itsatsi eta aireratu daiteke. Gainera, berrerabilgarria da, ingurumena errespetatzen du, bibrazioak gutxitzen ditu eta amarratze-indar handia du".

Fresmaken ustez, produktu hau aurrera pausu kualitatibo bat da. "Salmenta-kanal ezberdin bat dugu, erabiltzailearentzat zuzenduta dago zuzenean. Egoera berri hau erronka bat da guretzat", zehaztu du Cenarruzabeitia. Piezak eusteko amarratze-sistema hori orain arte fabrikatu diren produktuetatik aldentzen da, guztiz desberdina da: "Mekanika, hidraulika eta pneumatika landu izan ditugu, baina ez kimika. Hau kimika hutsa da".

Fresmaken lidergoa berrikuntzaren eta nazioartekotzearen aldeko etengabeko apustuaren emaitza ere bada. SPRIren Hazitek programan hainbatetan parte hartu du, RIS3 estrategiaren barruan. Azkenetako batean, Taldea proiektu estrategikoa (Abiadura handiko Turbinak: fabrikazio Aurreratuko teknologien garapena) izan da. ITP proiektu honen buru izan da, eta hurrengo enpresekin elkarlanean egon da Fresmak: Ekin, Desarrollos Mecánicos de Precisión, Praxair, Trimek, Mesima Bilbao eta Talleres Wolcor. Gainera, Zientzia, Teknologia eta Berrikuntzaren Euskal Sareko hainbat eragilek proiektuan parte hartu dute: CEIT, UPV/EHU, Mondragon Goi Eskola Politeknikoa, Innovalia, Ideko, Egile eta Lortek.

(informazio +)



> ICLEI tokiko gobernuen sareak eta Eusko Jaurlaritzak sarituko dute 2020an ere Ekintza Eraldatzaile Jasangarriarik onena, EBeko Eskualdeetako Komitearen eta Europako Inbertsio Bankuaren laguntzarekin

Ekintza Eraldatzailearentzako Saria ICLEIek, Euskadik eta Aalborg hiriak (Danimarka) antolatzen dute, eta Europako Eskualdeen Batzordearen eta Europako Inbertsio Bankuaren laguntza du.

Lehiaketa irekita dago EBko estatu kide batean, EEKko (Europako Espazio Ekonomikoko) herrialde batean, EBERako herrialde hautagai batean edo Euskal Adierazpena babestu duen atxikimenduko herrialde batean kokatutako tokiko edo eskualdeko edozein agintarientzat edo gizarte zibileko edozein erakunderentzat. Eskaera egiteko azken eguna 2020ko uztailaren 31 da.

Hiri jasangarri, erresiliente eta bizigarriak sortzearen garrantzia aitortzeko, 2020ko Ekintza Eraldatzailearen Sariak Euskal Adierazpenaren 15 bideak erabiltzen dituzten Europako gizarte zibileko hiri, eskualde edo erakundeek gauzatutako ekintza eraldatzaileak saritzen ditu, komunitatearen gizarte eraldaketa kulturala, sozioekonomikoa eta teknologikorako.

Burututako ekintzek garapen jasangarriko helburuak eta Parisko Klima Akordioa ezartzeko tokiko edo eskualdeko ekarpenak islatzen dituzte.

"Egungo krisi-egoeran, garrantzitsua da etorkizun iraunkorraren itxaropena proiektatzen jarraitzea. Ekintza eraldatzailearen Sariaren aurreko edizioetarako aurkeztutako tokiko ekintza askoren ausardiaren bidez ikusi dugu. Espero dut tokiko askoz lider gehiago ikustea 2020an aurrerapauso bat ematen eta beren ekintza eraldatzaileak erakusten tokiko balioa eta jasangarritasunerako inpaktua sortzeko", esan zuen Wolfgang Teubner Europarako Eskualde Zuzendariak, ICLEIko eta Ekintza Eraldatzailearen Sarien epaimahaikideak eta.

Lousada (Portugal), Gante (Belgika) eta Nilüfer (Turkia) aurreko irabazleekin bat egiteaz gain, 2020ko sariaren irabazleak 10.000 euro jasoko ditu bere hirian edo eskualdean ekintza eraldatzaile berriak abiarazten laguntzeko.

Irabazleak doako sarrera bat ere jasoko du Hiri eta Herri Jasangarriei buruzko Europako bederatzigarren Konferentzian (Mannheim, Alemania), 2020ko irailaren 30etik urriaren 2ra. Bertan, 2020ko Ekintza Eraldatzailearen Saria emateko ekitaldia egingo da.

[\(informazio +\)](#)



> Donostiako Zinemaldiak ikus-entzunezko enpresa berritzaileentzako "erronka" deitu du berriro, Europar Batasunaren Europa Creative Media, Eusko Jaurlaritzaren eta Gipuzkoako eta Euskadiko beste eragileekin batera

Lehiaketa ikus-entzunezkoen alorrean teknologia berriak garatzean oinarritutako enpresa-proiektu berriak proposatzen dituzten pertsona ekintzaile eta startup-ei zuzenduta dago: Izena emateko azken eguna ekainaren 1a da

Donostiako Zinemaldiak Startup Challenge jaialdiaren bigarren deialdia zabaldu du, ikus-entzunezko proiektu teknologikoen lehiaketa bat. Ekimena Zinemaldia & Technology jaialdiaren hirugarren edizioaren barruan egingo da, Zinemaldiaren apustu estrategikoa ikus-entzunezko industria eta teknologiarik buruzko hausnarketarako erreferentziatzeko gune gisa bihurtzeko.

Hautagaitzak jasotzeko epea ekainaren 1ean amaituko da. Lehiaketa sortu berri diren ekintzaileei eta startup-ei – 2015eko abenduaren 31z geroztik eratutakoei- teknologia berrietan oinarritutako eta ikus-entzunezko esparrura zuzendutako enpresa-proiektu berriak proposatzen dituztenei zuzenduta dago. Gainera, legezko egoitza Europako herrialde batean izan beharko dute, eta enpresa proiektua Euskal Herrian martxan jartzeko asmoa.

Hautatutako proiektuak irailean Zinemaldian egingo den jardunaldi batean aurkeztuko dira, klase magistral bat eta I+G+B enpresen aurkezpenak barne hartuko dituena.

Eusko Jaurlaritzak, Ekonomiaren Garapen eta Azpiegitura Sailaren bitartez, Zinemaldia Startup Challenge sustatzen du. Ekimen hau, aurreko hiru edizioa beteko duen Zinemaldia & Technology jardunaldiaren baitan dago. Jardunaldi honen antolakuntzari dagokionez, Donostiako Zinemaldiak, Tecnaliak, Tabakalerak eta Petronorrek izango dira antolatzaile, Europa Creativa Media eta Vicomtech ikerketa aplikatuko zentroaren laguntzarekin. Bestalde, Tabakalerarekin, 2de0 ikus-entzunezko laborategiaren bidez, jarduera beste jardunaldi batzuetan zabaltzeko lan egiten da urtean zehar.

Aurreko edizioetan, Zinemaldia & Technology topaleku izan zen teknologoentzat, zinemagileentzat eta zinemagintzako profesionalentzat. 2018an, J.A. Bayona zinemagileak klase magistral batekin inauguratu zuen jardunaldia, eta iaz, Lucia Peralta izan zen bere esperientzia kontatu zuena; Digital Matte Painter gisa Aquaman eta Game of Thrones (Tronu jokoa) bezalako ekoizpenetan.

(informazio +)



DOKUMENTU INTERESGARRIAK

> EBren mundu mailarako koronabirusari emandako erantzuna

"Koronabirus pandemia mundu mailako krisia da, eta mundu mailan bakarrik konpon daiteke. Europak gure herrialde kideei laguntzeko erreakzio sendoa izatea da birusaren hedapenari amaiera emateko eta herrialde guztien egonkortasun sozialean eta segurtasunean eragina izatea saihesteko modu bakarra".

(informazio+)

> Mundu mailako Europa ekologiko, digital eta lehiakor baterako industria-estrategia berria

(informazio+)

> Adierazpen geografikoak: EBren nekazaritzako elikagaien jatorri-deituren balio ekonomikoari buruzko azterketa

(informazio+)

(txostena)



EUROPAKO DEIALDIAK

> Move to 4.0: EBk 4.0 industrian puntako 50 ETE detektatu eta lagundu nahi ditu

- Europako Berrikuntza eta Teknologia Institutua. (EIT).
- Fabrikazio-atala (EIT Manufacturing).
- Diagnostiko-programa
- Smart industry proiektu estrategikoak identifikatzea
- Aholkularitza pertsonalizatua
- Bazkide teknologikoetarako sarbidea
- Prozesuen berrikuntza
- Negozioa dibertsifikatzea
- EIT euskal bazkideak: Tecnalia, MCC...
- Hasiera: 2020ko maiatza.
- Online tailerrak eta aurretiko kontrastea
- 50 ETEren kupoaren hautaketa
- Webgunea: www.moveto40.com
- E-maila: Info@moveto40.com

[\(informazio +\)](#)

> Horizon 2020ren 4 FET deialdiak (etorkizuneko teknologiak). Epeen luzapenak

- Horizon 2020: Europako Batzordearen berrikuntza-esparru estrategikoa
- FET: sortzen ari diren teknologien atala
- 2 deialdi konputazio neuromorfikoa eta errendimendu handikoa: 20.04.22tik 20.06.17ra luzatuak.
- Cofund ERA Net-aren (EBaren sektore publikoaren berrikuntzarako sarearen) Quantum Flagship-erako (teknologia kuantikoen adarretarako) FET deialdia: 20.05.7tik 20.07.2ra.
- FET-Open CCC: FET deialdia, ideia-prozesuan dauden teknologia disruptiboetarako. 20.5.13tik 20.6.3ra.

[\(informazio +\)](#)



> Horizon 2020 - Covid-19: onartutako aurrekontu atalak

- Horizon 2020 guztira: EBko berrikuntza-esparru estrategikoa: 1.027 M €
- Lankidetzeta publiko-pribatua farmako berritzaileentzat, 72 M €
- Afrikarako lankidetzeta, 25 M €
- Epidemien aurkako berrikuntzarako nazioarteko CEPI fundazioa, 100 M €
- Marie S.-Curie ekintzak, 32,5 M €
- Osasunaren I+Grako deialdia, 2020ko martxoa, 18 proiektu, 48 M €
- IDFF finantza-tresna: 400 M €
- Ekintza azkarretarako 2 "Gizarte Erronka" deialdiak: 172 M €
- EU COVID-19 interkomunikazio-plataforma, 15,5 M €
- Osasunerako robotika industrialerako deialdia, 3,5 M €
- Berrikuntzaren eta Teknologiaren Europako Institutuaren deialdia, 8 M €
- Berrikuntzaren Europako Kontseiluak, startup eta ETEentzat: 150 M €

(informazio+)

> Life 2020 (klimatea eta ingurumena). Covid-19 egokitzapenak

- Epeak luzatzea (hilabete batez)
- Aldez aurreko online kontrasteak EASMEekin – ETEetarako EBaren Agentziarekin
- Onuradunek bazkideekin banatzeko aukera
- Startupeko buruzko atal berria
- Aurrekontua, gutxi gorabehera: 450 m €
- Lehen eskaeraren epea: 2020ko uztaila

(+Info - EB)

(+Info - Ministerioa)

“EUROPAKO FUNTSAK GIPUZKOAN” webgunea